



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

§. 3. De resolutione hujus contractūs ex lege commissoria,

---

[urn:nbn:de:hbz:466:1-73045](#)

## §. 2.

## De resolutione hujus contractus ex addictione in diem.

**1499** Supp. 1. ex conditionibus, quæ contractibus apponi solent, alias esse suspensivas, alias resolutivas. *Suspensiva* sunt, quæ faciunt, ut contractus ante conditionis positionem, vel eventum, non sit absolutus: *resolutiva* sunt, quæ, Cum existunt, contractum absolutum resolvunt; puta, si sic res distrahitur, ut inempta sit, si displicerit; nam si post contractum emptionis celebratum displiceat emptio, rescinditur perinde, ac si impta non esset.

Supp. 2. Solas conditiones de futuro, esse suspensivas propriè; hinc si deficient, actus sub illis celebratus non tam rescinditur (cum nunquam fuerit absolutus) quam impeditur, ne absolvatur. Contractus sub ejusmodi conditione celebratus, pendente conditione, nullam inducit obligationem, quæ nascatur ex contractu *perfecto*; sed, patit solam obligationem exspectandi conditionis eventum, quæ fundat spem contractus *perficiendi*, & transmittitur ad hæredes, de quibus pluralib. 4. tit. de conditionib. appositis.

Suppon. 3. emere, vel vendere, *cum addictione in diem*, nihil aliud esse, quam adjecta conditione resolutiva, sic, ut si intra certum tempus (v.g. intra proximos 8. dies) comparuerit, qui plus offerat, res primo Emptori non sit irrevocabiliter vendita, sed sit inempta; hinc dato tali novo Emptore, & acceptato per venditorem, contractus prior rescinditur quo prænot.

**1500** Quæstio 1. est, quando censeatur existere illa conditio resolutiva ad effectum rescindendi factam emptionem? **1.** cam conditionem (nisi aliquis plus intra tale tempus offerat) non existere, esto alius solum facte, ac simulate plus offerat; aut se Emptorem dicat, ne fraudibus, eludendi contractum, tam facilis locus detur. **2.** nec tunc, si novus emptor non offerat meliorem conditio-

nem. L. 4. ff. §. 5. h.t. **3.** nec tunc, si intra diem addictionis venditor moritur, nec hæres ejus sit, cui possit fieri melior conditio L. 15. h.t. ff. **4.** nec tunc, si primus Emptor velit idem adæquatè dare, quod secundus. arg. L. 7. h.t. ff. Ex hoc colliges, ut venditio, *cum addictione in diem*, resolvatur, per oppositum requiri, ut novus Emptor, absque simulatione, meliorem conditionem venditori, vel ejus hæredi, intra præfixum terminum offerat, quam præstare nolit primus. Not. attem 1. venditorem non teneri contractum, cum primo Emptore celebratum, resolvere, licet novus meliorem conditionem offerat, L. 9. h.t. ff. **2.** resolvit nihilominus contractum licet secundus Emptor sit inidoneus, v.g. si sit pupillus L. 14. §. 3. ff. h.t. **3.** Venditorem non posse secundo Emptori in dato casu vendere sub nova addictione in diem, nisi de hoc cum primo conventum sit, per L. 11. ff. h.t.

Quæstio altera est, quos affectus habeat resolutio venditionis *ex addictione in diem*? **1.** quod sequentes. **1.** quod absque omni traditione rei vendita dominium, & vindicatio redeat ad venditorem per L. 41. ff. de rei vind. **2.** quod interim, donec tempus addictionis, vel melior conditio veniat, tam dominum, quam periculum interitus, omniaque commoda, & incommoda ad primum Emptorem pertineant, L. 2. & 3. ff. h.t. sed intellige revocabiliter. Hinc contractu resoluto, primus Emptor omnia commoda percepit cum rei dominio venditori reddere tenetur per L. 6. ff. h.t. deductis tamen expensis factis per L. 14. ff. eod. quia licet Emptor fructus tunc percepit jure dominii, fuit tamen dominium resolubile.

## §. 3.

## De resolutione hujus contractus ex lege commissoria,

**L**Ex commissoria agit de pacto, contra-  
ctui venditionis coeteroquin perfecto, & absoluto, voluntate contra-  
hen-

hentium adjecto , ut res sit inempta , si Emptor ( licet non interpellatus L. 4. §. fin. ff. h. t.) ad diem conventum pecuniam , seu pretium vel non solvat ( L. 2. ff. de L. commissaria ) vel saltē solutionem non offerat , ut dicitur cit. L. 4. sed intellige , si venditor inemptum velit ; quia venditoris causa sic cavetur , ut ibidem dicitur , & clarē habetur L. 3. ff. h. t. debet enim eligere , vel exercere legem commissā , vel repetere pretium ; nec una electione posita licet ei variare , L. 4. §. 2. h. t. ff. nisi gravis ratio , vel aequitas exigat . Hinc pactum illud conditionem includit , sicut additione in diem , non suspensivam , sed resolutivam . Legē commissa ( si venditor non remittat ) tenetur Emptor fructus interim perceptos restituere venditori cum damni dati aëstimatione per L. 4. ff. h. t. si autem Emptor venditori arrham dedit , & tamen legem commitat , etiam arrham amittit , per L. 6. ff. h. t. esto dedisset in partem pretii ; sed tali casu aequum est , ne fructus restituere teneatur , L. 4. §. 1. ff. h. t.

§. 4.

De resolutione hujus contractū  
ex pacto redimendi , vel re-  
trevendendi :

1503 Contraftui emptionis perfecto , & absoluto quandoque solet adjici pāctum , vel in gratiam venditoris , ut Emptor teneatur rem emptam venditori rursum vendere , si depositur acceptum pretium ; vel in gratiam Emptoris , ut possit re habere pretium te empta venditori reddit , vel inter certum tempus , vel indefinite , vel in gratiam utriusque , & hoc pactum vocatur pāctum rcluendi , redimendi , se retrovendendi .

1504 Not. autem 1. quod hoc pactum extendat , ut nova emptione , vel venditione , dominium rei , prima venditione translatum , ab hoc redeat ad priorem dominum ; quod non habet pāctum additionis in diem , vel legis commissorū ; hinc in istis dominium rei reddit ad venditorem sine novare traditio-

ne ; secus in hoc pacto : & ideo istud vere novam venditionem includit , de quo Haunoldus tom. 4. dē Just. tr. 10. à n. 195.

Not. 2. Emptorem non posse obligari , ut rem retrovedant minori pretio , quam quod valet ; quia sic non servaretur aequalitas .

Not. 3. quando pactum retrovendendi adiectum est in gratiam venditoris , emptorem posse pacisci de majori pretio intra latitudinem iusti pretii contento , sibi persolvendo , quam ipse decedit , modo non sit maius , quam res tempore revenditionis valeat ; quia sit servatur aequalitas . Ex hoc sequitur , Emptorem , qui rem emit in dato casu justo pretio infimo , vel medio ; pacisci posse , ut in casu revenditionis sibi persolvatur ex justo pretio sumnum .

Not. 4. Si res ante revenditionem accepit incrementum per alluvionem , hoc juxta communiorē sententiam pertinere ad Revendentem , seu primū Emptorem ; quia incrementum rei per alluvionem pertinet ad dominium rei ; Sed primus Emptor in dato casu est dominus rei ; præsertim , cum ad eum spectare debeat lucrum rei , ad quem spectat ejus damnum ; ergo .

Nec obstat , quod primus Emptor resoluto contractu ex additione in diem , vel lege commissoria , debeat fructus perceptos restituere , ut dictum est ; nam ibi est vera resolutio sine nova emptione , & venditione ; at in casu pacti de retrovendendo secus est , ut notavi supra . Et ideo fructus interim nati , & percepti , absolute pertinent ad primos Emptores sine onere restituendi ; pendentes vero tempore revenditionis dividendi sunt pro rata parte ipsius anni , sic Fachinæus . l. 2. Controvers . c. 5.

Not. 5. Quod , cum jus redimendi possit ad heredes transmitti per L. 2. C. de pactis inter Empt. & venditor. possit etiam alteri cedi ; sic Haunoldus tom. 4. Just. tr. 10. n. 208. in fine q. 10.